

COVID-19 arde hamor sehét arde héfazot – Gura hasharbar

Andaza gorá arde hótara ókkol entezam gorá

COVID-19 é añára beggún ór táka arde ham gorár torika andaza bodoli bodoli félaiye. Lékin gura hasharbar or duniyai bodolat asé.

COVID-19 ham sehét arde héfazoti hótara andaza óilde uggwá zoruri tobka gura hasharbar ókkol ollá, tuáñr sinno arde hótara entezam goríbélla, tuáñr soñijja, ar gaák ókkol ólla.

Zehón tuñí hótara andaz uggwá goró, nizoré nize fusár goró:

- Ki hótara ókkol asé?
- Yían é honíkká ré ki nuksan gorífare, ar yían ór hoddúr emkan asé?
- Hótara tobka ki?
- Hótara ókkol óre entezam goríbélla añí ki gorí faijjóum?
- Hótara ókkol óre kengóri nizor gorá arde monithar gorá zaibou, yían dilai bélla dé kontróul bebastá ókko; ham gorére, ar noya hótara ókkol ólla cek goró.

Hótara entezam salu asé - honó noya yá bodolo giyéde hótara ókkol óre andaza goró fakka gorí bélla ziyán COVID-19 óttu uçér zendil hora gaák óttu hótara ókkol , bicí hamor daabi yá alok ham gorá.

Tuáñrtú hámahá tuáñr hamgoróya ré hotá huwá foribóu. Beggún é mili tuñí hótara ókkol óre sinno gorifaribá ar iin óre kengóri entezam goríba hól gorí zanibá.

Aiyó beggún é cóñço hasharbar or duniyait bodolat táki. Aró maalumatt ollá, wébsáith ót zoo. safeworkaustralia.gov.au.

Jisími duré táka

COVID-19 bazáfaar hótara bicí ói aiyé zehón oinno manúic loi bazái hamgoráza. Zeçé fare, jisími duré táka pretís goróon

Báfo:

- Hamor zagar tortif dubara dhizái gorá.
- Gair muámmuikka mithíng ókkol goróon
- Aám zaga ókkol ót maincór nombór ókkol óre hamoon
- Lain ókkol arde gaák ór nombór ókkol óre entezam goró.

Ar zeçé faro, epuáinmén ókkol ór bútoire thaim rakó, jisími hotá huwá ókkol óre limíth goribélla ar ekin banodé hamgoróya ókkol óttu tarár sáman ókkol yá micín asé.

COVID-19 or baabote harhána-háas hédayot ollá safeworkaustralia.gov.au ot zoo.

Tuáñr hamor zaga ókkol óre sáfgorá

COVID-19 toiyar óiyede fúça ókkol óttu fóile zehón biaram óiyede manúic uggwá yé hañcé yá háñicca.

Maincé COVID-19 faifare zaga ekkán súi yoré ziyán ót fuk asé.

Yián ekin banodé tuáñr hamor zaga ré sáf gorá giye homashom fottídin sáfgoróní dabai arde faní.

Zaga ekkán sáf óile mottor, tuñí yáin óre fukmari faribá.

Egaza súaza de sáf gorár zaga ókkol óre tuaijjo do.

Zodi tuáñtu hamot mazé COVID-19 ór keis uggwá táke, tuáñr hamor zagar tú bála gorí sáf goribélla zoruri ar age biaram óiyede ítara waapes aái faribóu.

COVID-19 or baabote harhána-háas hédayot ollá safeworkaustralia.gov.au ot zoo.

Héfazoti Ham Australía COVID-19 wébsáith

Héfazot Ham Australía yé noya hédayot uggwá torki goijjé gura hasharbar ókkol óre modot gorí bélla tartar ham sehét arde héfazoti zima ókkol óre buzíte modot gorí bélla, ar COVID-19 ór hótara ókkol óre entezam goribélla.

safeworkaustralia.gov.au ottú mouzú ókkol ór uore maalumat, zendila hótara andaza uggwá kengóri goríba, jisími duré táka, sáfutura, zati héfazoti sáman, demaki sehet, arde sáfgorá.

Jiníc filthár gorár sáman óre estemal goró asán ór sáñte maalumat tuai faibellá ziyán tuáñr gura hasharbar arde harhána loi taaluk, fúañti fúañti prekthikel wasáil ókkol, zendila hamor zaghar cekliís ókkol ar pousthar ókkol.

Tuáñr harhána lla bóuli háas hédayot, onláin ot zoo - safeworkaustralia.gov.au.